

ՀՀ Արմավիրի մարզի Արևիկի գյուղական
համայնքի ղեկավար Գ. Ծատուրյանի
2018թվականի կատարված աշխատանքների

Հաշվետվությունը

30.01.2019թ. ժամը 12⁰⁰-ին

2019 թվականի հունվարի 30-ին ժամը 12:00 –ին համայնքապետարանում տեղի ունեցավ
Ժողով:

Ժողովին մասնակցում էր Արևիկ համայնքի ավագանիները:

Համայնքի ղեկավարի 2018 թվականի կատարած աշխատանքները գնահատվեց
բավարար:

Հայաստանի Հանրապետության Արմավիրի մարզի Արևիկ համայնքի
ղեկավարը, ղեկավարվելով Հայաստանի Հանրապետության Սահմանադրությամբ, նրանից
բխող օրենսդրական և ենթօրենսդրական ակտերով, «Տեղական ինքնակառավարման
մասին», «Իրավական ակտերի մասին», ՀՀ օրենքներով, համայնքի ղեկավարի
աշխատակազմի, ավագանու և գյուղապետարանի ենթակա կայության տակ գտնվող
հիմնարկների աշխատակիցների միջոցով իրականացրել է իրեն վերապահված
իրավասությունների շրջանակներում իր լիազորությունները:

2018թ. համայնքապետարանի աշխատանքային ծրագրի հիմքում դրված են եղել
համայնքի սոցիալ-տնտեսական զարգացման գերակա ուղղությունները:

Հիմնական նպատակը համայնքի բնակչության կենսամակարդակի բարձրացումն է,
որին հասնելու ճանապարհին սահմանվել են կարևորագույն սոցիալ - տնտեսական
խնդիրները, որոնք էլ անհրաժեշտություն է եղել լուծելու 2018թ. ընթացքում: Այդ խնդիրների
լուծման համար կարևորագույն պայման է հանդիսացել Արմավիրի մարզպետի և
մարզպետարանի աշխատակազմի ամենօրյա հոգատար վերաբերմունքը և համայնքի
խնդիրների լուծմանն աջակից լինելու պատրաստակամությունը, որի արդյունքում
արձանագրվել է որոշակի հաջողություններ, որոնք ըստ բնագավառների ներկայացնում են:

ԳՅՈՒԴԱՏՆՏԵՍՈՒԹՅԱՆ ԵՎ ԲՆԱՊԱՀՊԱՆՈՒԹՅԱՆ ԲՆԱԳԱԿԱՌ

Համայնքի Ղեկավարը աջակցում է համայնքի բնակչությանը գյուղատնտեսական
աշխատանքների իրականացմանը, ինչպես նաև գյուղ . մթերքների իրացմանը:

Համայնքն ունի իր առանձնահատկությունները:
Հիմնականում զբաղվում են խաղողագործությամբ, ինչպես նաև բանջար-բոստանային
կուլտուրաների մշակությամբ:

Տարեցտարի փոխվում է մշակովի հողատարածքների կառուցվածքը՝ կրճատվել են
հացահատիկային մշակաբույսերի ցանքատարածությունները, ավելացել են խաղողի, պտղի
և բանջար-բոստանային կուլտուրաների տեսակարար կշիռը, որն էապես շահութաբեր է,
սակայն իրացումը արդեն իսկ դժվարացել է:

Ուշադրության կենտրոնում է պահվում գյուղատնտեսական մշակաբույսերի
վնասատուների դեմ պայքարի աշխատանքները:

Ամնիջական հսկողություն է իրականացվում անասնաբուժական ծառայության գործում ժամանակին կատարվում է բոլոր տեսակի հակահամաճարակային միջոցառումները կենդանիների հիվանդությունների կանխարգելման ուղղությամբ: Կենդանիների շրջանում չի հայտնաբերվել ոչ մի տեսակի հիվանդություն:

Հետևողական և սխտեմատիկ հսկողություն է սահմանվում հանձնաժողովի կողմից առևտրի, հասարակական սննդի և կենցաղային ծառայությունների ոլորտում գործող օբյեկտների գործունեության վրա: Ներկայումս համայնքում գործում է 5 առևտրի և 2 կենցաղային ծառայության օբյեկտ:

ՀՈՂԱՇԽՆՈՒԹՅԱՆ և ՀՈԴՕԳՏԱԳՈՐԾՄԱՆ ԲՆԱԳԱՎԱՌ

Ամենօրյա ուշադրության կենտրոնում է գտնվում և օրենքով սահմանված կարգով վերահսկողություն է իրականացվում հողերի նպատակային օգտագործման, ինչպես նաև ապօրինի ընդերք օգտագործման վրա:

Ամենօրյա աշխատանք է տարվում հողօգտագործողների հետ հողի հարկի, գույքահարկի գծով գոյացած ապառքների հավաքագրման գործում: Բնակիչներին տեղեկացվում և ծանուցվում է «Հողի հարկի արտոնություններ տրամադրելու մասին» ՀՀ օրենքի պահանջները: Իրականացվում է գույքահարկի բազայում ճշգրտման աշխատանքները, որը շարունակական է:

Ելնելով համայնքի առանձնահատկությունից՝ կապված գյուղ – մթերքների՝ հատկապես խաղողի արտադրման հետ, համայնքում կատարվող սոցիալ – տնտեսական աշխատանքները հիմնականում պլանավորվել և կատարվել է 2-րդ կիսամյակում: Համայնքի վարչական տարածքը կազմում է 1192,16 հա: Համայնքում կա շուրջ 280 հա խաղողի այգի, մյուս ցանքատարածքները և բազմամյա տնկարքները կազմում է 460,3 հա:

ՔԱՂԱՔԱՇԽՆՈՒԹՅԱՆ ԵՎ ԿՈՍՈՒՆԱԼ ՏՆՏԵՍՈՒԹՅԱՆ ԲՆԱԳԱՎԱՌ

Կառավարության սահմանած կարգով վերահսկողություն է իրականացվում համայնքի քաղաքաշինական գործունեության նկատմամբ:

Խստագույնս արգելվում է առանց համապատասխան շինարարության թույլտվության որևէ շինարարական գործունեության իրականացում: Սահմանված կարգով տրվում է շինարարության և քանդման թույլտվություն:

Քաղաքացիների դիմումների հիման վրա կատարվել է հողամասերի չափագրման և սահմանների ճշգրտման աշխատանքներ, տրվել են ճշտված իրավիճակային հատակագծեր:

Սխտեմատիկաբար կատարվում է խմելաջրի ջրագծերի վթարների հայտնաբերման և վերացման աշխատանքներ: Սահմանվում է հսկողություն խմելաջրի որակի, ինչպես նաև վարակազերծման նկատմամբ:

Սխտեմատիկաբար կատարվում է աղբահանություն, այդ նպատակով հատկացված է տրանսպորտ, աղբը թափվում է հատկացված վայրում:

ՄՇԱԿՈՒՅՑԻ ԵՎ ԵՐԻՏԱՍԱՐԴՈՒԹՅԱՆ, ԿՐԹՈՒԹՅԱՆ, ԱՌՈՂՋԱՊԱՀՈՒԹՅԱՆ,
ՄՊՈՐՏԻ, ՍՈՑԻԱԼԱԿԱՆ ԾԱՌԱՅՈՒԹՅԱՆ ԲՆԱԳԱՎԱՌ

Համայնքում գործում է 1 միջնակարգ և 1 երաժշտական դպրոց:

Միջնակարգ դպրոցի աշակերտների թիվը՝ 350:

Աշխատողների թիվը՝ 45, որից ուսուցիչներ՝ 37:

Համայնքապետարանի կողմից մեծ ուշադրություն է դարձվում դպրոցին: Կրթության որակը գտնվում է բարձր մակարդակի վրա: 2018 ուսումնական տարում շուրջ 10 աշակերտներ ընդունվել են Հանրապետության պետական տարբեր բուհեր: Համայնքապետարանի նախաձեռնությամբ դպրոցում կազմակերպվել է տարբեր միջոցառումներ և տրվել նվերներ: 2018 թվականին Արևիկ համայնքի պատմամշակութային տարածք հանդիսացող վայրում տեղադրվեց Արևիկ համայնքի բնակիչ՝ Արցածաաղբբեջանական շիման գծում գոհված Սևակ Հովհաննեսի Խաչատրյանի անվան խաչքար:

Համայնքապետարանի ուշադրության կենտրոնում է նաև երաժշտական դպրոցը, որի կողմից ուսումնական տարվա ավարտին տրվել է հաշվետու համերգ, մասնակիցներին բաժանվել են նվերներ:

Համայնքապետարանը Մշակույթի տան, երաժշտական դպրոցի և միջնակարգ դպրոցի հետ համատեղ կազմակերպել է երեխաների պաշտպանության միջազգային օրվան նվիրված միջոցառում, համայնքի մինչև 10 տարեկան երեխաներին բաժանվել են նվերներ, կատարվել է հյուրասիրություն:

Համայնքի միջնակարգ դպրոցի շրջանավարտներին վերջին գանգի առթիվ տրվել են նվերներ:

Վթարային վիճակում է գտնվում մանկապարտեզի շենքը. շուրջ 20 տարուց ավել այն չի գործում, որը և բացասաբար է անդրադառնում մատաղ սերնդի դաստիարակման վրա: Շենքի վերանորոգման համար պահանջվում է մեծ ֆինանսական միջոցներ, որը գյուղապետարանը այսօր հնարավորություն չունի ներդնելու: Բազմաթիվ անգամ, որպես համայնքի կարևորագույն հիմնախնդիր, հարց ենք բարձրացրել այն վերանորոգելու համար, սակայն ապարդյուն:

Մշակույթի տունը գտնվում է բարվոք վիճակում, ինչը հնարավորություն է տալիս կազմակերպել տարբեր տեսակի միջոցառումներ:

Մշակույթի տանը տեղավորված է նաև գրադարանը, որը վերանորոգված և կահավորված է, ունի 8027 կտոր գրականություն: Գրադարանը մշակույթի հետ համատեղ կազմակերպել է տարբեր բնույթի միջոցառումներ, գրական ցերեկույթներ:

Մեծ ուշադրություն է դարձվում թոշակառուներին և երիտասարդության հետ տարվող աշխատանքներին՝ նրանց հանգիստը նորմալ կազմակերպելու նպատակով: Գործում է խաղասենյակ, որտեղ կազմակերպվում է տարբեր բնույթի խաղեր, առաջնություններ:

Ուշադրության կենտրոնում է գտնվում սպորտի զարգացումը: Անցկացվում է նարդու մրցաշար, հաղթողին տրվում է դրամական պարգև:

Համայնքի Ղեկավարի ամենօրյա ուշադրության կենտրոնում է նաև առողջապահության ոլորտը:

ջակցում է սանիտարահիգիենիկ վիճակի բարելավմանը, հակահամաճարակային միջոցառումների իրականացմանը: Վերահսկվում է առողջապահական հիմնարկի աշխատանքները:

Համայնքի Ղեկավարի նախաձեռնությամբ համայնքում բացվել և կահավորվել է առանձին խաղասենյակ որը նաև ջեռուցվում է:

Համայնքի բնակչության բուժ. սպասարկումը գտնվում է բարձր մակարդակի վրա:

Համայնքում գործում է «Խնամակալության և հոգաբարձության» հանձնաժողով, որի հիմնական խնդիրը թափառաշրջիկ, իրավախախտ, անօթևան երեխաների հայտնաբերումն ու դաստիարակելն է: Ի. ուրախություն մեզ՝ համայնքում նման երեխաներ չկան:

Ուշադրության կենտրոնում է գտնվում զոհված ազատամարտիկների և սոցիալապես անապահով ընտանիքները, որոնց տրվում է ֆինանսական օգնություն: 2018 թվականի ընթացքում համայնքի սոցիալապես անապահով ընտանիքների տրվել է դրամական օգնություն 2350.0 հազ. դրամի չափով:

Համայնքում հաշվառված են ընդամենը՝ 274 թոշակառուներ, այդ թվում՝ 206-ը ծերության և աշխատանքային, 68-ը՝ հաշմանդամության: Նպաստառու ընտանիքների թիվը կազմում է 51: Թոշակները և նպաստները տրվում են ժամանակին:

Համայնքի շուրջ 10 բաժանորդներ օգտվում են թվային հեռախոսակապից, կապը շատ անորակ է և չի արդարացնում, այդ իսկ պատճառով բաժանորդների մեծ մասը հրաժարվեցին հեռախոսակապից:

Համայնքում բարձր է պատասխանատվությունը գորակոչի նկատմամբ: Զորակոչից խուսափողներ չկան:

Համայնքի տնտեսությունների թիվը՝ 875, բնակչության թիվը՝ 2897 մարդ, գյուղատնտեսության մեջ զբաղված են մոտ 1800 մարդ:

2018 թվականի դեկտեմբերի 31-ի դրությամբ . Արևիկ համայնքում ծնվել են 30 երեխա՝ 14 աղջիկ և 16 տղա , մահացածների թիվը՝ կազմում է 21 մարդ:

ՖԻՆԱՆՍԱԿԱՆ ԲՆԱԳԱԿԱՌ

31.12.2018թ-ի դրությամբ հավաքագրված եկամուտները կազմել են

N	անվանումը	պլան	փաստացի	հազ. դրամ
				կատարողական
	ընդամենը վարչական բյուջե	67226.6	63805.1	94.9
1.	հողի հարկ	4890.0	3049.2	62.4
2.	գույքահարկ	7620.0	7514.4	98.6
3.	տեղական տուրքեր	484.0	86.8	17.9
4.	տեղական վճար	1180.0	997.3	84.5
5.	ոչ հարկային եկամուտներ	4392.1	3314.2	75.5
6.	հողերի վարձավճար	69.2	14.4	20.8
	Համայնքի սեփականություն համարվող հողերի վարձավճար	1121.6	393.7	35.1
	ընդամենը սեփական եկամուտներ	17386.1	13964.6	80.3
7.	այլ եկամուտներ			
8.	պետ. բյուջեից տրամադրվող դոտացիա	48206.9	48206.9	100.0
9.	սուբվենցիա	1633.6	1633.6	100.0
10.	Ֆոնդային բյուջեի եկամուտ	9648.0	7107.9	73.7

31.12.2018թ. դրությամբ կատարված ծախսերը

N	ծախսերի անվանումը	պլան	փաստացի	հազ. դրամ
				կատարողական
1.	տեղական ինքնակառավարում	25780.0	20982.0	81.4
	Համայնքային այլ ծառայություն	4600.0	3634.7	79.0
2.	ջրամատակարարում	9500.0	7978.0	84.0
3.	աղբահանություն	900.0	840.4	93.4
4.	մշակույթ, սպորտ, կրոն	3740.0	2871.7	76.8
5.	Ճանապարհների նորոգում	900.0	450.0	50.0
6.	սոցիալ-անապ. ընտանիք. օգնություն	2500.0	2350.0	94.0
7.	արտաքին լուսավում	700.0	191.0	27.3
	Վառելիք և էներգետիկա	920.0	800.0	87.0
8.	պահուստային ֆոնդ	9648.0	7107.9	73.7
9.	կրթություն և գիտություն	7633.6	7633.6	100.0
10.	ֆոնդային մաս	13800.0	7235.0	55.5
11.	վարչական	67226.6	55207.5	82.1

2019 թվականի հունիսի 1-ի դրությամբ համայնքի ղեկավարի կողմից արձակվել է 40 կարգադրություն, ընդունվել է 115 որոշում:

Համայնքի ղեկավարի աշխատակազմի քարտուղարի կողմից արձակվել է 8 հրաման: Քաղաքացիների առաջարկությունների, դիմումների և բողոքների քննարկման կարգի մասին» ՀՀ օրենքի 7-րդ հոդվածի պահանջի համաձայն, Արևիկի համայնքետարանում 2019 թվականի հունվարի 1-ի դրությամբ քաղաքացիների կողմից ստացվել է 42 դիմում:

Դիմումներում բարձրացվել են սոցիալական, ֆինանսական, հողային, շինարարության և այլ բնույթի հարցեր, որոնք սահմանված կարգով քննարկվել են և տրվել պատշաճ լուծումներ:

2018 թվականի Ընթացքում գյուղապետարանում ստացվել է 194 գրություն, հղվել է 169 պաշտոնական գրություն: Քաղաքացիներին տրվել է 1213 տեղեկանքներ:

2019 թվականի հունվարի 1-ի դրությամբ համայնքապետարանի և իր ենթակայության տակ գտնվող հիմնարկների աշխատակիցների թվաքանակը կազմում է 12 մարդ, որից 4-ը համայնքային ծառայողներ, 2-ը՝ ակումբ գրադարանի, 1-ը՝ կոմունալի, 1-ը՝ խմելաջրի սպասարկման, 1-ը հայեցողական և շահագործման նպատակով աշխատողներ, 1-ը հավաքարար, 1-ը սեզոնային աշխատող և 1-ը ժամկետային պայմանագրային աշխատող:

2019 թվականի հունվարի 1-ի դրությամբ աշխատավարձի և սոց. վճարումների պարտքեր չկան:

Այս ընթացքում համայնքի ավագանին գումարել է 4 հերթական նիստ և 4 արտահերթ նիստ, որտեղ քննարկվել են համայնքի խնդիրներին վերաբերվող տարբեր բնույթի հարցեր և կայացվել որոշումներ:

Համայնքի հիմնական խնդիրներն են՝

1. Մանկապարտեզի Կառուցում
2. Խմելաջրի ջրամատակարարման ցանցի բարելավում:
3. Գազաֆիկացման ցանցի ընդլայնում:

Արևիկ համայնքի ղեկավար՝



Գևորգի Ծատուրյան